

叢書集成續編 第二二二冊目錄

史地類



山

吳山遺事詩一卷	清 朱 彭撰	武林掌故	一
齊山巖洞志二十六卷首一卷	清 陳 蔚纂輯	貴池先哲	一三
四明山志九卷	清 黃宗義撰	四 明	三二七
雁山雜記一卷	清 韓則愈著	檀 几	四五一
天台雁蕩紀游一卷	清 金玉岡著	屏 廬	四八三
艮山雜志二卷附錄一卷	清 翟 灝輯	武林掌故	四八三
御覽孤山志一卷	清 王復禮編	武林掌故	五九五
徑山遊草一卷	清 吳 焯撰	松 鄰	六三三
廬山紀遊一卷	清 查慎行撰	昭 代	六四一
匡廬游錄一卷	清 黃宗義撰	昭 代	六六五
浮山志五卷	清 酥醪洞主錄 (陳銘珪)	聚德堂	六九三

事

吳

詩

山

遺

錢唐丁氏鏝

吳山遺事詩

錢塘 朱彭 青湖

花宮仙梵最高層金地錢王住女僧銅像迎來恭懿
后青蓮寶座供香燈

吳越文穆王夫人吳氏名漢月錢塘人忠懿王蓋
其所出也乾祐二年封吳越國順德太夫人廣順

二年六月薨年四十諡曰恭懿明年忠懿王建報
恩元教寺以資冥福又鑄銅像二致奉國金地二

尼寺志孝思焉見十國春秋 考金地寺在吳山
臨安志云舊志有妙果尼寺在金地山清泰二年

吳山遺事詩

錢氏建號金地寺諸志皆失載致吳后銅像事

坐對吳山一桁青幾年游宦夢初醒絕憐垂橐歸來
後大隱坊前著酒經

北山酒經三卷宋吳興朱肱撰考肱字翼中元祐
戊辰李常甫榜登第仕至奉儀郎直祕閣歸寓杭

之大隱坊著書釀酒有終焉之志無求子大隱翁
皆其自號也大隱坊即吳山下之高士坊

宣仲南不墉厚賞吳山誨盜已嫌遲枯株怪石閒時
寫賸得縹囊筆幾枝

揮塵後錄云廉宣仲布建炎初自山陽避寇南來

攜鉅萬至臨安寓吳山下陳通等亂悉為劫掠不

遺一簪湯屋畫鑑云廉布畫枯木叢竹奇石清致
不俗本學東坡青出於藍自號射澤老人畫松柏

亦奇杭州龍井板壁畫松石古木二真得意筆也
鐵嶺曾居張彥功高齋下瞰隔離宮誰廣法曲仙音

調只有當年白石翁

姜白石詞集有法曲獻仙音一闕其題云張彥功
官舍在鐵冶嶺上即昔之教坊使宅高齋下瞰湖

山光景奇絕余數過之為賦此詞虛閣籠寒小簾
通月暮色偏宜高處樹隔離宮水平馳道湖山盡

吳山遺事詩

入樽俎奈楚客淹留久砧聲帶愁去 屢回顧過

秋風未成歸計誰念我重見冷楓紅舞喚起淡妝
人問逋仙今在何許象管驚殘甚而今不道秀句

怕平生幽恨化作沙邊烟雨 考樹隔離宮句離
宮指聚景園也

德壽曾書道德經元時猶見列雙亭而今剩得經幢
一零浴殘文似曉星

元郭昇客杭日記云次遊元妙觀門立徽宗御書
碑殿前立高宗道德經幢二亭覆之後有真武觀

記開平二年物也有道士云吳越時已有之音為

紫極宮前朝碑石有天慶觀字皆鑿去殊失古意
據此則經幢在元時猶有亭覆之其完好可知余
少時遊此見一幢半露牆角不甚漫漶此時尚在
觀中也後因築牆爲土工攜去置平安三橋塊下
剝蝕愈甚大中丞阮雲臺先生雅好金石聞之命
役夫昇至鍾翠亭之大洞閣安置而此幢已得所
矣特不知尚有一幢沈埋何處耳

七寶山均古跡煙林間奇石尙嶙峋巖名垂腹枵然
大空洞知容幾輩人

余遊七寶山俯視山均頗多奇石遂捫蘿而下見

吳山遺事詩

三

有淨鑑池鏤玉岑還冲洞頤眞洞鼇峰虎臥石堆
雲石垂腹巖皆有字鏤石上而垂腹巖尤奇巖肖
大腹形下垂有竅如臍中空擊之有聲余思韓侂
胄作闕古堂原兼并七寶瑞石兩山山中奇石皆
爲所有及侂胄敗有旨給還甯壽觀復爲禁地以
此知石上所鏤名目必平原所品題也

晚年行簡號夷門鑑古工書善討論文酒陶情誰結
契鮮于都事趙王孫

元史類編杜敬字行簡大梁人後寓杭與鮮于伯
機趙子昂爲友善鑑古器物有清裁好鼓琴知音

律尤長于書喜蓄古名人墨跡歷代金石刻甚富
大冠長裾優游吳山文酒間晚號夷門老人
君美元時一賈人諷諧談笑坐生春填詞譜曲無虛
日砌話編成亦絕倫

元尙詞曲至順間古汴鍾嗣成編錄鬼簿上下兩
卷下卷杭人最多其施惠小傳云施惠一云姓沈
字君美杭州人居吳山城隍廟前以坐賈爲業公
巨目美髯好談笑余常與趙君卿陳彥實顧君常
至其家每逢款接多有高論詩酒之暇惟以填詞
和曲爲事有古人砌話亦成一集其好事如此

吳山遺事詩

四

踏燈相失劇堪憐一墮青樓不計年遙望南雲懷故
里周郎得遇亦前緣

明正德間杭州清平巷趙家妻黎氏生二女庚辰
春黎攜二女看燈叢雜中少女爲惡少掠去賣臨
清沈鵬擅名青樓號賽濤以詞翰能賽薛濤也長
女歸周子文子文爲吏赴京過臨清見賽濤貌肖
其妻注目久之因留宿焉問所從來祕不敢言偶
從故書中得詩一紙子文詰之乃告其故訟之官
攜歸父母卽以賽濤歸子文濤有憶家園詩云遙
望南雲淚濕衣家園夢想見依稀短牆曲巷池邊

屋羅漢松青對紫薇濤著有曲江鸞囀集見列朝詩小傳 考清平山巷名仁孝坊下接高士坊巷碧筠千个繞茅茨迨暑山中此最宜客訪雙橋聊小酌隱囊紗帽共圍碁

凌立字雙橋錢塘人明時曾官比部與茅瓚友善居吳山蒼碧筠館詩集四卷蘇濬序云吳山武林奇觀處也雙橋凌先生宦游既倦構別業於山中左江右湖隱然襟帶几席間蕭然一室獨坐長吟時與達人互相唱和集中有夏日近山見滄二太史攜酌山房詩高車枉顧欵山扉樽酒相看坐翠

吳山遺事詩

五

微自有圍碁消永晝不勞團扇卻炎威江天霽色開雲影城郭烟光映夕暉撫景醉歌堪記取月華滿地送君歸

青藤踏雪訪休文古寺深藏路不分卻愛寓公樓百尺梅花一樹擁寒雲

徐渭雪中訪沈嘉則于寶奎寺之樓居詩山徑尋君重復重小樓百尺臥元龍安窗偏向梅花角遠映江天雪數峰見文長集余謂文長與嘉則皆前朝名士而雪中相訪于寶奎寺亦吳山佳話何作志者竟不知採取歟

家有長康畫一厨臨摹日與古爲徒閒來愛住吳山麓高拓西窗好望湖

明顧炳字黯然武林舊族也少孤其大父鍾愛其穎慧不欲苦以咕嗶之事惟出舊所藏名人畫片令其恣意探索駸駸乎追蹤作者後徧歷名山延訪高士結茅吳山之麓技日以進比癸亥歲應選供事武英流輩咸推服之編歷代畫譜四冊始於晉顧愷之終于孫克宏王廷策凡一百六家萬厯間授梓見朱之蕃歷代畫譜序

老蓮放曠好清游賣畫曾居西爽樓曉步長橋不歸

吳山遺事詩

六

去翠花籬落看牽牛

老蓮渡江常寓吳山火德廟之西爽閣今呂仙前所懸聯語是其真跡徐丈紫山云長橋湖灣牽牛花最多當季夏早秋間溼翠盈盈頗饒幽趣老蓮在杭極愛此花每日必破曉出郭徐步長橋吟玩籬落間至日出久乃返余曾見其牽牛花畫冊姿態娟妙而着色處尤非他手所及蓋其性之所好故能神似也

子將別業在吳山雉堞連雲翠竹環想見諸賢吟眺處風帆縹縹有無間

陳臥子詠聞子將居吳山詩引云子將結屋吳山之上壬申秋余與周勒卣顧偉南徐闓公共登茲宇見修竹交密下帶城堞萬雉遠江虛無嬋媛其間風帆落照沖融天際真幽曠之兼趣也余賞其疏異許爲賦詩忽忽未究今年冬晤子將于湖上心念幽棲卒未及登眺以續舊游竟責前諾追賦一章亦有今昔之感矣詩云高人託孤峰渺然市朝上白雲奇蕭條茅茨自清暢已歎適境幽頗覺憑勢壯睥睨橫芳林樓臺落青嶂嫋嫋叢篁際長江動搖濛平沙見千里雲物開萬狀時逢湖海人

吳山遺事詩

七

常使神氣王整巾綠樹陰把酒紅牙唱翹首望會稽山川供俯仰抱景帶江雲餘暉明越榜雄心且復消于焉微雅尙舊游三載前後會多凋悵吾輩方失策憐君復相向何時鹿門攜手共閒放四宜亭側起蓬臺遠眺湖波一鏡開一自龍泓投筆逝化爲野鶴不歸來

許光祚字靈長少學書于湯煥獨能青出于藍而小行楷書尤冠一時相傳四宜亭畔今移建七寶寺處有別業焉中有蓬臺可供遠眺盡攬西湖一曲之勝昔陳墨樵先生云曾見靈長殘碑跋語中

有書于吳山蓬臺句可證後靈長游龍井人猶挾紙乞書書數幅放筆而逝如蟬蛻人以爲靈長仙夫

今生僑寓闕吳莊捨宅怡雲庵復荒檐外海棠彫謝人但餘奇石倚頰牆

徽宦吳今生闕園居於吳山世所稱吳衙莊是也是莊沿山而上達紫陽園中有鐵梗海棠二株花時最盛汪然明春星堂集有吳今生招集吳山觀鐵梗海棠時正風雨籠以紗幔詩張遂辰亦有吳今生海棠花下醉歌園又有飛鷹逐兔二石見章

吳山遺事詩

八

藻功四六註今二石尙在菜圃中今生甲申後歸故里此莊改爲怡雲庵韓魏游此賦五律二首不數年庵復圯

附張遂辰吳今生海棠花下醉歌西堂名花種非一海棠兩樹踰十尺世間何物比光輝石氏珊瑚眞可擊一從蜀魄啼滿枝花重春城錦相敵紅羅斗帳絳雪膚睡足春宵燭光側主人繁華方少年置酒日留堂上客書畫樽彝列四隅白日疎簾色交射小妓金花劈綵箋侍兒錦帶呈瑤瑟尙促觴傳一再行不知漏下五十刻宴罷纔看月下歸歌

翻轉向花間出座中有客有情癡眼見移花歲時
易既醉攀條忽泫然詎待東風太狼籍滿堂顧此
生歎嗟知君豪舉何憐惜明朝直將斫作芻開園
一任生駒喫註云花爲李總戎故物君畜有駿駒
解組歸來徑已荒疏泉壘石繞莓牆園中占得桃坡
級傳是平原閱古堂

沈捷字大匡仁和人明季庚辰進士歷任桃源武
進令所至皆有廉名甲申歸隱構別業于瑞石山
畔號石園園中有金星洞桃坡諸古跡卽韓侂胄
之閱古堂也後改爲直指庵今庵基漸爲隣居侵

吳山遺事詩

九

佔只存數椽而石園不可問矣

讀書結社異時流經傳分年次第修誰訪吳山舊居
處竹林深護草堂秋

丁奇遇字孟嘉前明仁和諸生家吳山竹林堂當
三巖二馮結讀書社時以奇遇爲祭酒後奇遇復
邀張岐然江浩虞宗瑤張芬徐騰輩入社其法因
經而及傳先考訂而後辨論武林士人不習矜張
而學有原本者由讀書社始也

前朝老衲有西來山頂安禪覺悟開日坐蒲團餐柏
葉肯將麻履踏紅埃

王修玉題西來上人精舍詩序云余讀書清平山
開元寺聞昔有西來上人廬山巔不造城市晝夜
瞑坐飢採松柏葉爲食後忽解文字識醫理辨死
生輒奇中余不獲見造廬懷想遂成斯篇昔有西
來僧結庵在石壁十年不出山蒼苔覆行跡夜雪
咽松枝山寒煮白石行苦道益深冥冥有所獲了
然識文字觀疾知休戚兩耳長毫生雁眉三寸白
天人禮白雲山鬼荷金策我來師已逝蘭若空寂
歷竹鉢猶吐雲藤牀尙挂席斯人渺難期浮生愧
爲客

吳山遺事詩

十

梨洲重過舊山居劫換紅羊一夢餘前輩風流幾人
在倚樓吟罷應沾裾

黃太冲宗羲南雷詩集有寓吳山詩昔年曾寓此
山廬盛世繁華一夢餘簫鼓聲中明月落湖山深
處美人居朝廷議論歸名士前輩風流在讀書今
日風流渾不改卻將感慨自銷除余謂言自銷除
感慨者其不能忘情於感慨可知矣
金地詩壇酬唱餘仙人自昔好樓居于今笙鶴歸何
處失卻香光舊日書

明萬厯間吳山城隍廟羽士陸天乙面江築樓可

供吟眺華亭董其昌爲書笙鶴樓三字以顏其額
至本朝康熙間里中諸詩人有笙鶴樓唱和七律
一冊余少時曾見之今樓久圯額亦不存無人知
吳山有是樓者矣

附張潞履佳笙鶴樓詩西城迴抱一高樓倚檻疑
從鏡裏游山翠有時侵客袂浪花無際撲簾鉤月
沈紫海猶通夢人到清都不染愁待問子喬仙去
事吳天雲斷隔中州

新綠扶山春已徂偶來翠閣寄吟軀西冷角藝多名
士曾設王家步障無

吳山遺事詩

十二

山陰王端淑字玉映王思任季女宛平丁肇聖室
著有吟紅留篋等集鄧漢儀曰季重先生有八子
惟女玉映能讀父書負才工詩初得徐文長青藤
書屋居之繼又寓武林之吳山與四方名流相倡
和對客揮毫同堂角塵所不吝也

附端淑吳山春望詩越角吳頭一望開黃羊野馬
總堪哀草痕新綠扶山閣花氣輕紅落酒杯一鏡
春涵朝日動雙臺潮走暮江迴龍舟鳳輦歸何處
南院西宮幾劫灰

層園直上冠危樓波影嵐光四面收歌妓教成新樂

府不須重按舊梁州

李笠翁層園在鐵冶嶺今之紫霄宮處也丁藥園
笠翁一家言序云余問笠翁曰子不嘗卜築于吳
山之麓乎曰然購張侍衛之居以終老焉非能靡
而新之也雖然有異焉余將葺是居也非匠石之
所能爲功也顏垣廢榭灌莽虺蜮芟之伐之庀其
材得半焉由是析鍾山舊廬而益之高其藿有堂
均然危樓居其巔四面而涵虛凡江濤之洶湧攢
峰之崩芳西湖之襟帶與夫奇禽嘉樹之依息靡
不環拱而收之几案之間考笠翁之居是園也凡

吳山遺事詩

十三

窗戶聯額起居服用之物皆獨出新意家蓄歌伎
十餘人令演所譜新劇技拍顧曲殆無虛日卽今
所行十種曲是也

宗派猶存濂洛風羣居講學似王通箋疏闡發無偏
解性理編成是大中

應嗣寅字搗謙明季諸生與柴紹炳沈蘭先潛心
理學所詣益純甲申後閉戶不出惟以教授生徒
自給初館于豐寧里薛氏後遷於吳山承天觀前
從遊甚眾合肥李容齋仁和項眉山二公合疏薦
之于朝奉 命再徵先生以老疾辭終身蓬戶晏

92.1 冊 100.5 枚

如也著有性理大中潛齋文集

拋卻山居興寂寥感花巖畔結團瓢孤魂應逐劉郎
去誰為斯人賦大招

周雯字兩文錢塘人初家吳山下太廟巷有園名
山居中多奇石毛稚黃林西仲王丹麓俱為賦詩

兩文曾自刊所作詩名自攜集遭家中落產業園
亭都為人有晚年無子子然獨處寄居瑞石山寶

成寺之感花精舍金江聲觀察常過訪焉有劉郎
去後東坡老更有先生住感花之句因號感花老

人後歿于精舍江聲復登感花巖弔之以詩云感
花人去草淒迷悵望空巖日又西剩有春風泥百

吳山遺事詩

三

舌招魂飛上短牆啼 考山居故址即今紫陽書
院也奇石猶存舊名

螺峰吳逸是詞人喜與毛君近結鄰聞得香閨能按
譜牡丹亭曲共評論

吳儀一亦名逸字珠苻號吳山行四人呼為吳四
郎錢塘上舍生初居松盛里後移居吳山之螺子

峰與毛稚黃衡宇相望所居屋名吳山草堂張秦
亭王丹麓皆有題草堂詩生平工詩古文尤富于

詞著有吳山草堂詞十七卷陳檢討維崧推為天

下第一手吳山初聘陳氏女同未婚而歿同雅好

書籍遺有手評臨川還魂記上卷繼娶清溪談氏
女則見同所評愛玩不能釋暇日仿同意補評下

卷皆不幸早亡踰十三年復娶錢氏女宜與吳山
編次授梓今坊間所傳吳山三婦評本是也

擔笈從游別故林寄詩老母淚沾襟教成令子稱名
士不負萱帷勸學心

仁和鐘韞字眉令福建巡撫鍾化民孫女編修查
慎行母也著梅花園詩存集中有示兩兒讀書吳

山五律一首喪亂還家後周旋只兩兒苦辛都為
汝貧賤且從師慎勿趨時好何須戀舊茨晨昏原

吳山遺事詩

古

細故努力慰衰遲蓋其時初白與德尹俱讀書吳
山故其母以詩寄之詩中語語真摯頗知大體洵

賢母也

吟侶招邀集鹿臺分牋擊鉢鬪清才主人游宦荒三
徑寂寞梨花半樹開

家鹿田太守里居雜詩註云鹿臺唐明府殿宣別
業也許霜巖畱農昆弟查初白鄭春薦課藝于此

自明府罷永城園亦凋敝故鹿田詩有乳鹿臺荒
吟社散梨花春雨晚開門之句 考鹿臺在吳山

東麓殿作宰春薦居此亦名息園

海棠石壁最玲瓏僻在城隅荆棘叢誰向雲居搜勝跡人傳金莫兩詩翁

雲居山牛頭三台窗櫺等石皆近城堞而海棠石壁尤僻處城隈無人過而問者乾隆戊辰莫柳亭師弑金江聲先生志章遣健僕刈草披荆而得之石橫澗丈餘高半之花瓣紛敷巧不可狀洵奇石也兩先生各賦海棠石壁歌一章今金詩已失去莫詩載雲居寺志

閒修山志遺吟懷弱冠曾將筆研借猶憶深秋踏黃

吳山遺事詩

五

葉披荆剔薛記摩厓

金江聲先生志章雍正癸卯舉人官口北道以母老請終養歸里遂不出所居忠節坊距吳山僅數十武暇即登山搜訪古跡撰吳山志憶余少時莫柳亭師命于挾筆硯從先生至山抄錄石上題名及前人詩句凡十餘種先生喜甚攜歸載入金石志後志成家人不戒于火善述多付丙丁獨山志為壞牆所壓收拾餘燼此編獨存無如被災後家益貧窘不及刊行先生及兩子相繼下世諸孫皆不振一孫攜此志就館禾中不識今猶存否

瑞石洞雜詠三十八首

尋真路

近市即仙源莫問仙何處世外欲尋真還從此中去

白蓮池

古池抱山坳水色清且澗種得玉井蓮中有如船藕

栽藥圃

採藥名區歸讀桐君錄春雨忽攜鋤栽向山之曲

滌凡池

霜寒水色澄池面明于鏡一瓢沁心脾能令塵想淨

採芝巖

吳山遺事詩

六

巖下芝方茁仙翁到處探呼童擔竹杖花草滿筠籃

瑞石池

泉從石脈生小池僅如盎策策游素儵便作濠上想

雨泉

石罅本無泉俄驚溼枯樹獨坐聽潺湲前山夜來雨

歸雲洞

空際颺天衣飄然何所依晚來風漸緊都向洞門飛

壽星石

孤南老人星亭亭立巖岫只解看歸雲所以靜者壽

紫瑪瑙

匿采巖壑間爲盤幸未琢終年繡苔衣惟期守吾璞

成道樹

生公石點頭守素樹成道木石本無知感悟俱杳渺

天籟谷

微風韻虛谷颯沓成天籟恍聞子晉笙吹來煙月外

隱仙巖

適意在山林屏跡無近遠茲巖亦隱仙何必金庭館

龍窟

本是神龍宅何須杖化龍傳聞深窅處長有白雲封

補衣石

吳山遺事詩

七

仙眷棲空山秋來山氣冷石上補道衣斜陽照孤影

松關

濤聲送清響雲影圍孤亭栽得雙松古元關不用扃

橐駝峯

巖窟肉峯起隆然一橐駝此身虛負戴終古臥青莎

蟾蜍石

昔在清虛府曾依丹桂枝縱遭天上謫還戀月波池

月波池

孤月映池波清池涵月魄水月兩不分幻作空明色

蹲獅石

屹然石狻猊空隣守丹老何不乞餘藥去嚙青瑤草

丹竈

丹砂九轉成巖間遺石竈此中有薪傳還須契真誥

迎真橋

行行倚筇竹迤邐沿山腰何必天台去看余渡石橋

迎真洞

獨向洞邊行飄然仙骨輕遙聞松籟發散作步虛聲

三台石

拳石象三能名尊亦相假欲商位置區合在斗杓下

紫竹林

吳山遺事詩

六

千竿紫篔簹檀欒石上茂一誦雁門詩清風蕩襟袖

垂雲峯

奇峯影倒垂翥然雲一朵冉冉只在山不向紅塵墮

丹崖

懸崖立洞口掩映霞光明孫綽如裁賦居然小赤城

翠壁

石上莓苔長剛逢秋雨餘我來思面壁蒼翠溼衣裾

碧雲天

閒從洞頂望澹沲早秋天笑指片雲起隨風散碧煙

龍峯

昂首奮鱗鬣不羨游江湖世上垂竿手鼇峯釣得無

翡翠巖

閒看翡翠巖時來翡翠鳥巖前啼一聲飛上松林杪

白雲岫

雲去岫嶙峋雲來岫明滅來去本無心幽人自怡悅

青芙蓉

煙嵐拔地起亭際望冥冥一朵芙蓉石中含嶽色青

坐忘巖

練心歸太清草藉華陽服四山嵐影浮鬚眉染寒綠

朝元路

吳山遺事詩

九

曲徑多盤紆奇石相迴五月夜寂無人來踏朝元路

象石

南山有象鼻茲石具全相何時披羽衣岩巖踞其上

飛來石

雲林有奇峯茲石亦蒼秀評品記毛君城南小靈鷲

透天關

扼險層巒上關門霄漢通猶傳騎鶴者于此御長風

齊山巖洞志卷之六



郡城南三里許齊山在焉山有
十餘峯其高齊等故名或謂
唐貞元中齊映為池州刺史愛
此山巖洞奇絕時往游之山因以
齊為姓然歛否歛余於癸亥歲
調守是邦嘗往來翠微堤上西

水夾堤如鏡螺峰俯瞰弄影波
心朝嵐夕靄蒸翠染人衣袂間
山高僅數尋無岌業峻嶒之狀
顧其中石磴紫紆崖穴深邃萬
萬下或猿鳥路絕或蛇虺徑通
百尋日探尋不能窮其極者唐

宗以來名士鉅卿及騷人韻士靡
不扞蘿攀葛梯險逾幽發為詠
歌以紀其勝歷時久遠陵谷變
遷琳宮紺宇半委雲煙新碣殘
碑幾埋榛莽舊志屢修屬易舛
誤滋多青陽陳明經蔚有志蒐

輯暇日輒仰躋軒昂俯測幽奧
於山之巨細悉究不獨半碣摩崖
披剝剝蝕而凡墜詩湮廢神童
歌戲之區固弗周覽遺跡巖壑
洞穴涉前人所未到仍復參稽
史傳采訪羣書故能辨正前明